

¡BOMBA!

La audiencia sirvió de ensayo,
ya estaba todo acordado;
a ver quién pisa el juzgado
en menos que canta un Mayo



k'uintsil

Martes 26 de agosto de 2025

CAMPECHE · YUCATÁN · QUINTANA ROO · AÑO 11 · NÚMERO 2550 · www.lajornadamaya.mx

Ich ki'ki' óole', Meme del Reale' k'uch Teatro Armando Manzanero ti'al u yáax e'esajil k'aay tu juunal



/ p 17
Oochel Sedeculta

Walkila', tu noj lu'umil Yucatáne',
táan u yila'al noj cha'ano'ob miatsil,
ba'ale' beyxan táan u péektsilta'al,
u k'aayta'al yéetel u k'i'itbesa'al
ba'axo'ob ku meyajta'al te'el noj
lu'uma'. Beey chiikpaj le fin de
semana máaniko', úuchik u béeytal u
cha'anta'al Meme del Real, tu kúuchil
Teatro Armando Manzanero

U súutukil ki'iki' óol yéetele',
xma' bo'olil úuchik u beeta'al.
Nupa'ab paax yéetel k'aay.
U'uya'ab bix u k'aay chéen tu

juunal, ba'ale' beyxan yanchaj
junsúutuk yéetel Café Tacuba.

U yantal le paaxa', meyajta'ab
tumen Secretaría de la Cultura y las
Artes (Sedeculta) yéetel Secretaría
de Fomento Turístico del Gobierno
de Yucatán (Sefotur), tu'ux táakpaj
xan xk'aay Val Hozu, máax yaan u
estiloil dreamy-pop.

Pel úuchik u máan las 8 áak'abe',
Val Hozue' tu chúunsaj u súutukil le
k'aayo', ts'o'oke' jchu'up le kúuchilo'.
Beey túuno', yóok'olal múul meyaj

beeta'ab tumen mola'ayo'obe', táan
u bin u mu'uk'ankúunsal u
jejeláasil meyo'ob miatsil yaan tu
lu'umil Yucatán.

U k'aay yéetel u paaxe', u
chiikulal jats'uts yéetel no'ojan
miatsil ku beeta'al tumen
táankelemo'ob te'el lku'uma',
ts'o'oke' táan xan u bin u
mu'uk'anchajal u beel rock pop,
indie yéetel alternativo.

Beey túuno', Meme del Real
yéetel u múuch' paaxile' tu beeto'ob

u yawat máaxo'ob ku cha'an,
beyxan u papaxk'a'abta'alo'ob,
úuchik u ki' óolta'al u paaxil rock.

Ichil ba'axo'ob k'aya'ab tumen
Meme del Reale', yanchaj "Aunque
sea", "Princesa" yéetel "Todo se
marchó". Ma' xan tu'ux u k'ayik "Eres",
jump'éeel ti' le k'aayo'ob maas jach uts
binja'an ti' ichil meyaj u ts'iibtmaj.

Del Reale' tu chiimpoltaj xan
Armando Manzanero, ts'o'oke' tu
ya'alaje', je'el u yutstal tu yich u ts'iibtik
ka'ach u k'aayil "Esta tarde vi llover".